



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1-2274/10  
Sarajevo, 20.8.2010. godine

01-50-1

2010

*[Signature]*

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 22. 8. 2010.			
Organizaciona jedinica	Klasifikacija	Redni broj	Broj priloga
01	50-1	15-81	10

**PARLAMENTARNA SKUPŠTINA**  
**BOSNE I HERCEGOVINE**

*- Zastupnički dom -*

SARAJEVO

**PREDMET:** Odgovor na zastupničko pitanje – dostavlja se

Vijeće ministara Bosne i Hercegovine, na 130. sjednici održanoj 19.8.2010. godine, utvrdilo je Odgovor na zastupničko pitanje koje je postavio gosp. Šefik Džaferović, zastupnik u Zastupničkom domu Parlamentarne skupštine Bosne i Hercegovine.

U prilogu dostavljamo Odgovor uz molbu da isti uručite zastupniku.

S poštovanjem,



**GENERALNI TAJNIK**  
*Zvonimir Kutleša*

*[Signature]*



**BOSNA I HERCEGOVINA  
VIJEĆE MINISTARA**

Broj: 05-50-1-2274/10  
Sarajevo, 19.8.2010. godine

Gosp. Šefik Džaferović, poslanik u Predstavničkom domu Parlamentarne skupštine BiH, na 81. sjednici Predstavničkog doma Parlamentarne skupštine BiH, održanoj 14.07.2010. godine, postavio je sljedeće poslaničko pitanje:

„U kojoj fazi se nalazi implementacija Zakona o visokom obrazovanju? Da li je tačno da postoje problemi oko titula i zvanja? Ako jeste, kada i kako se misli riješiti to pitanje?“.

Na postavljeno poslaničko pitanje Vijeće ministara Bosne i Hercegovine je na 130. sjednici održanoj 19. 8. 2010. godine utvrdilo sljedeći

**ODGOVOR**

Na osnovu Okvirnog zakona o visokom obrazovanju u BiH („Službeni glasnik BiH“ broj 59/07), vlastite zakone su donijela nadležna ministarstva u Republici Srpskoj, osam kantona i Distriktu Brčko (to nisu uradili Hercegovačko-neretvanski i Srednjobosanski kanton). U tim novim zakonima nadležnih obrazovnih vlasti uvedena su tri ciklusa visokog obrazovanja; evropski sistem prijenosa bodova (ECTS); riješen je status viših škola.

U Kantonu Sarajevo i Hercegovačko-neretvanskom kantonu nije došlo do integracije univerziteta, pa tako ni usaglašavanja statuta i drugih opštih akata sa Okvirnim zakonom. Dodatak diplomu nije uveden u Republici Srpskoj i Tuzlanskom kantonu.

Treba napomenuti da su vlastite zakone usvojili Distrikt Brčko i Kanton 10, Posavski i Bosansko-podrinjski kanton, mada nemaju vlastite univerzitete, nego odjeljenja drugih univerziteta iz BiH.

U pogledu akreditacije visokoškolskih ustanova, Agencija za razvoj visokog obrazovanja i osiguranje kvaliteta je utvrdila Kriterije za akreditaciju, kao i Kriterije za izbor domaćih i stranih stručnjaka koji obavljaju reviziju kvaliteta, te je donijela Uputstvo o formi i sadržaju diplome i dodatka diplomu. Agencija je započela i aktivnosti na utvrđivanju minimalnih standarda u oblasti visokog obrazovanja. Prema odredbi Zakona o izmjeni i dopuni Okvirnog zakona o visokom obrazovanju u BiH („Službeni glasnik BiH“ broj 59/09), akreditacija visokoškolskih ustanova se treba obaviti do 15. avgusta 2011. godine.

Što se tiče Pravilnika o korištenju akademskih titula, te sticanju naučnih i stručnih zvanja, Ministarstvo civilnih poslova se tim problemom intenzivno bavi od donošenja Okvirnog zakona. Polazeći od dobrih evropskih praksi i činjenice da je takva vrsta pravilnika eminentno

pitanje akademske zajednice. Ministarstvo je pokušavalo to pitanje riješiti preko Rektorske konferencije BiH, ali je Konferencija „zbog nemogućnosti da postigne koncenzus u radu“ vratila taj zadatak u zaduženje Ministarstvu, nakon čega je Ministarstvo organiziralo više aktivnosti sa predstavnicima javnih univerziteta u BiH. Pošto ni to nije donijelo jedinstven stav univerziteta o pitanju zvanja, usvojene su izmjene Okvirnog zakona, prema kojima Pravilnik donosi Vijeće ministara BiH na prijedlog Ministarstva civilnih poslova. Ministarstvo je ponovo radilo sa predstavnicima univerziteta i dostavilo Pravilnik na usvajanje Vijeću ministara, ali na 121. sjednici Vijeća ministara, održanoj 20.05.2010. godine, Pravilnik nije usvojen (tri glasa protiv). I nakon toga je Ministarstvo u dva navrata pripremlilo nove verzije Pravilnika i pokušalo dobiti saglasnosti javnih univerziteta, ali senati tri javna univerziteta nisu prihvatili dokument.

Ministarstvo je planiralo da ovo pitanje delegira za sjednicu Konferencije ministara obrazovanja u BiH, koja će biti održana na jesen ove godine. Pošto Konferencija ministara odlučuje koncenzusom i pošto Ministarstvo civilnih poslova nije nadređeno ministarstvo nadležnim obrazovnim vlastima (Republika Srpska, deset kantona i Distrikt Brčko), ne možemo predvidjeti ishod rasprave o Pravilniku.



Broj: 04-50-1563/10  
Sarajevo, 18.08.2010. godine

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 24-08-2010			
Organizaciona jedinica	Klasifikaciona oznaka	Redni broj	Broj priloga
01-50-1-15-81/10			

**BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
PREDSTAVNIČKI/ZASTUPNIČKI DOM**

n/r predsjedatelja, gospodina Nike Lozančića

**PREDMET:** Odgovor na zastupničko pitanje

**VEZA:** Vaš akt broj: 01/a-50-1-15-81/10 od 20.07.2010. godine

Poštovani,

U vezi poslaničkog pitanja gospodina Šefika Džaferovića, zastupnika u Zastupničkom domu Parlamentarne skupštine Bosne i Hercegovine postavljenog na 81. sjednici Zastupničkog doma Parlamentarne skupštine Bosne i Hercegovine održanoj 14. srpnja 2010. godine, o tome „*da li će se na dan izbora u BiH formirati biračka mjesta u inostranstvu i izvan oficijelnih sjedišta diplomatsko - konzularnih predstavništva BiH*“ u skladu sa članom 155. stav 3. Poslovnika Zastupničkog doma Parlamentarne skupštine Bosne i Hercegovine („Službeni glasnik BiH“, br. 33/06, 41/06, 81/06, 91/06, 91/07 i 87/09), dajemo slijedeći:

**ODGOVOR**

Pred Lokalne izbore 2008. godine Izmjenama i dopunama Izbornog zakona Bosne i Hercegovine („Službeni glasnik BiH“, broj 33/08) propisana je mogućnost da državljanin BiH koji živi u inostranstvu (privremeno boravi ili ima status izbjeglog lica) a ima biračko pravo, ima pravo da glasa lično (dolaskom na odgovarajuće biračko mjesto u BiH ili u diplomatsko-konzularnom predstavništvu Bosne i Hercegovine u inostranstvu) ili poštom (slanjem glasačkog listića poštom). Zbog nedovoljnog interesa, glasanje u diplomatsko-konzularnim predstavništvima BiH u inostranstvu, za Lokalne izbore 2008. godine nije bilo organizovano.

Centralna izborna komisija BiH za Opće izbore 2010. godine, prvi put organizuje glasanje u diplomatsko-konzularnim predstavništvima Bosne i Hercegovine za državljane BiH koji privremeno žive u inostranstvu ili imaju status izbjeglog lica i imaju biračko pravo, i koji su se izjasnili da žele glasati u diplomatsko-konzularnim predstavništvima Bosne i Hercegovine u inostranstvu.

Mogućnost formiranja biračkih mjesta i van sjedišta diplomatsko-konzularnih predstavništva je razmatrana u saradnji sa Ministarstvom inostranih poslova BiH. Zaključeno je da se neće organizovati glasanje izvan sjedišta diplomatsko-konzularnih predstavništava BiH u inostranstvu, jer se prvi put organizuje glasanje u diplomatsko-konzularnim predstavništvima BiH u inostranstvu, a što za Centralnu izbornu komisiju BiH i Ministarstvo inostranih poslova BiH predstavlja veliki izazov.

Moguće da će na narednim izborima, Centralna izborna komisija BiH u saradnji sa Ministarstvom inostranih poslova BiH razmatrati mogućnost otvaranja biračkih mjesta i van sjedišta diplomatsko-konzularnih predstavništva BiH u inostranstvu.

S poštovanjem,

Dostavljeno:

1. Naslovu
2. a/a

Predsjednica

Irena Hadžiabdić



Danijela Ozme 7, 71000 Sarajevo, Bosna i Hercegovina

Izbori u Bosni i Hercegovini, Poštanski pretinac 450, 71000 Sarajevo, Bosna i Hercegovina

Telefon: +387 (0)33 251 300 Fax: +387 (0)33 251 329 E-mail: [kontakt@izbori.ba](mailto:kontakt@izbori.ba) Web adresa: [www.izbori.ba](http://www.izbori.ba)